



## Emnas cumpactas concernent las linguas naziunalas

<b>Basa</b>	
<u>Art. 27 da l'ordinaziun da scola</u>	Las linguas naziunalas che n'èn betg menziunadas sco roms obligatorics, ston vegnir purschidas sco roms d'elecziun, independentamain dal dumber da participantas e da participants. En quest connex pon parts dad ellas er vegnir absolvidas sco emnas cumpactas en las regions linguisticas.
Explicaziuns davart la dotaziun dal rom d'elecziun "lingua naziunala"	<p>1 lecziun per emna annuala correspunda ad in'emna cumpacta. En cas d'ina dotaziun da 3 lecziuns per emna vegnan las linguas estras en il sector dals roms d'elecziun per regla offeridas en furma da curs. Sche quai n'è betg pussaivel, pon er vegnir tschernidas autras furmas (p.ex. emnas cumpactas). En cas d'ina dotaziun da dapli che 3 lecziuns per emna datti la pussaivladad da porscher 3 lecziuns en furma da curs e las lecziuns restantas en in'otra furma (p.ex. emnas cumpactas).</p> <p>Sch'ina dotaziun da 3 lecziuns n'è betg pussaivla, recumonda l'inspecturat da scola da porscher 2 lecziuns per onn da scola e da porscher per regla suenter il segund onn da scola in segiurn da 2 emnas en il territori linguistic.</p>
<b>Tips d'emnas cumpactas</b>	
Emna cumpacta d'ina classa en il territori linguistic (cun l'atgna persuna d'instrucziun spezialisada)	<p>Per curs intensivs che vegnan organisads da la persuna d'instrucziun da classa (persuna d'instrucziun linguistica) sco emnas cumpactas en il temp da vacanzas sto il program vegnir approvà da l'inspecturat districtual (vesair formular da dumonda).</p> <p>Tip: Far ina tschertga en google cun la noziun tudestga "Lagerhäuser".</p>
Emnas cumpactas sco curs intensivs a scolas ed instituts	<p>Modul A): Las scolas ed ils instituts marcads cun A) porschan in modul che involva ina persuna d'instrucziun dal territori linguistic per l'instrucziun e la persuna d'instrucziun accompagnanta per las ulteriuras activitads.</p> <p>Modul B): Las scolas marcadas cun B) porschan curs da vacanzas che pon vegnir frequentads da personas singulas u da gruppas senza accompagnament.</p> <p>Ils instituts numnads sin il feagl accompagnant vegnan controllads periodicamain da l'inspecturat da scola tenor criteris da qualidad definids. En general abiteschan las scolaras/ils scolaras en l'internat da la scola.</p>
Emnas cumpactas en l'atgna chasa da scola durant las vacanzas	Questa varianta na para betg d'esser la meglra or dal puntg da vista didactic. Questa instrucziun è part da l'engaschament da la persuna d'instrucziun e na vegn betg sustegnida finanzialmain en moda separada dal chantun.

<b>Finanziaziun</b>	
<u>Pauschala supplementara tenor l'art. 88 da la lescha da scola</u>	<p>Il chantun paja ina pauschala supplementara da 500 francs per scolara e scolar per emna als custs per metter a disposiziun purschidas adattadas per l'instrucziun en las linguas naziunalas che na vegnan betg instruidas sco roms obligatorics.</p> <p>Ils custs correspundents ston vegnir inoltrads da l'uffizi da cassier cun il formular "Ulteriuras contribuziuns tenor la lescha chantunala da scola" per la fin da l'onn da scola a l'uffizi per la scola populara ed il sport. (Formular modul A e formular modul B).</p> <p>Per ch'ina emna cumpacta vegnia renconuschida ston vegnir frequentadas almain 20 lecziuns.</p>
<b>Cumpetenzas</b>	
Purtader da scola	L'organisaziun da las emnas cumpactas è l'incumbensa dals purtaders da scola.
Inspecturat da scola	<ul style="list-style-type: none"> <li>- surveglianza punctuala da la prestaziun e da la garanzia da qualidad tar instituts resp. scolas e/u en emnas cumpactas da purtaders da scola</li> <li>- manar ina glista actuala d'instituts e da scolas</li> <li>- evaluaziun da las emnas cumpactas cun questunaris a las participantas ed als participants</li> </ul>
Inspecturat districtual	<ul style="list-style-type: none"> <li>- enconuschientschas da tuttas emnas da project planisadas</li> <li>- post d'infurmaziun per sustegnair la coordinaziun tranter ils purtaders da scola</li> <li>- permissiun da las emnas cumpactas</li> </ul>